

पोयराहा खातोर बाईबल  
आमीज

इसू चमत्कार



द्वारा लिखित: Edward Hughes

द्वारा चित्रित: Byron Unger; Lazarus  
Alastair Paterson

द्वारा अनुकूलित: E. Frischbutter; Sarah S.

द्वारा भाषांतर: रमेश वसावे

द्वारा निर्मित: Bible for Children  
[www.M1914.org](http://www.M1914.org)

©2022 Bible for Children, Inc.

लाइसंस: तुमा इयाल नाहा वेची सेकता, जांव लुग तुमाहान इयो  
काहानी कॉपीकेरा आन प्रिंट केरा अधिकार नाहा हाय.



इशुय खुबुज चमत्कार केअया. चमत्कार देखावनु चिन्ह  
आर्थें का इशू खेरोज परमेश्वरा पोयरो हाय. पेअलो चमत्कार  
एक वोराडाम वेअयो. तिहीं एक समस्या वेअयीं. आखाहा  
खातोर पुरे ओतों द्राक्षरस नाय आर्थों.



इशू याहाकी मरियमाय समस्या बाबतीम आख्योँ, फाची  
सेवकाहान आख्योँका इशू जीबी आज्ञा केअ ती तुमा केअजा.



"इया वेंडलाहान पांयांकी पोय दा."  
इशुय आख्यो. "पांय?" तियाहांय  
शायद पुछ्यो वेरी. हां, पांय तिहींज  
आथो जों इशुंय मागलो आथो.



तांहा इशुंय एका दासाल  
आख्यो, का एक मोडा  
बासनामेने लीड आवा,  
आन एक अधिकार्याल  
तिया चव चाखा दा.  
पांय आमी द्राक्षरस  
आथो! हारो द्राक्षरस!  
हाराम हारो  
द्राक्षरस!



नोकर चकित वीड  
गिया. इशुय पांयाल  
द्राक्षरसांम बदली देद्लो.  
एहेडो चमत्कार फक्त  
परमेश्वरज किइ सेकेह.




इशुय आजी बिहरा चमत्कार  
बी केअया. एक वाआतीवेल,  
तोअ आन तिया चेला पतरसा  
कोअ गिया. पतरसा हावडी  
बोराकी बिमार आथी.





इशुय बिमार स्त्री आथाल स्पर्श केअयो. एका क्षनाम ती हारी  
विड गियी. तीइशू आन तिया चेलाहां सेवा केरा उठी.



एहेकी मालूम पडेह  
का तियो वाअतीवेल  
बादें नगरावाले हिवां  
इहीं एकठ्ठे वेअयें.  
बिमर माआही  
आले, आंदले, बेरे.  
मुके, लेंगडे. इहीं  
लुग का जियाहांम  
दुष्टआत्मा आथी  
तेअबी इशू पाही  
आलें. काय तों  
ओता लोकाहान  
मदत कीइ सेकी?



इशू, परमेश्वरा पोयरो, मदत किइ सेकतलो आथो. इशुय  
मदत केअयि. जे तिया पाही आला ते बादा हारा वेअया.  
जे लोक जीवन भर खाकाम लाकडी लिइन फिरे ते बादा  
चाला, दौडा, आन कुदा लागता आथा.




बिहरा लोक बी आला,  
जे कोढाकी बारीक  
विइ गेह्ना आथा.



इशुय तियाहांनबी हारा  
केअया ता ते हारा आन  
शुद्ध विइ गिया.



दुष्टआत्माकी परेशान स्त्री पुरुष इशू हुबुर आले. तियाय  
राक्षसांहान तियाहान सोडा खातोर आज्ञा देदी. जेहकी  
तियाहांय आज्ञा मानी,  
भयभीत, दुखी लोक  
शांत आन आनंदित  
विडू गिया.



गर्दी फाचाडी चार लोकांहाय इशू तिया मित्राहासे सहायता  
मिलवा कोशिश केअर्यीं. पेन ते पाही नाय आवी सेक्या.  
ते काय किड सेकता आथा?



रोग्याल पाँगा मोबावे लीड गिया, चार  
इमानदार मित्राहांय कौले दूर-दूर केयें  
आन तियाल नीचे उताव्यो.  
आमी तो इशू पाही आथो.





इशुय वेअर्यो  
का चारी  
मित्राहांम विश्वास  
हाय. तियाय तिया  
रोग्याल आख्यो, तो  
पाप क्षमा वेअया,  
'खाटलो उसले  
आन चाल. तो  
माआहुंउबो विइ  
गियो, हारो आन  
मजबूत. इशुंय  
तियाल हारो  
केअलो आथो.



इया नंतर इशू तिया चेला आरी  
उड्याम बोठो. एक भयानक  
वाराकी समुद्र उठा लाग्यो.  
इशू हूवतलो आथो. काबराला  
चेलाहाय इशुल उठव्यो.  
"भगवान", आमाहांन  
वाचाव, "ते रोड्या.  
आमा नाश!"



"ठकोज रे," इशुय लाफान आज्ञा देदी. लगेजसमुद्र शांत वेअयो. "ओ केहेडो आदमी हाय?" तिया चेला हिचकिचाया लाग्या. वारो आन समुद्र बी इया गोठ मानतेंह. तियाहा आखनु आथो का इशू परमेश्वरा पोयरो आथो काहका तिया चमत्काराहाय तिया महिमा देखावली. तियाहान ओतोबी नाय मालूम आथो का इशू आजी मोडे मोडे चमत्कार



केरी काहका तियाय माआहा निसमे परमेश्वरा सेवा केअली आथी.



इसू चमत्कार

परमेश्वरा वचन बायबला एक कहानी

इयाम मिलेह

मत्ती 8-9, मार्क 1-2, मार्क 4,  
लुक 4, लुक 8, योहान 2

"तुमा शब्दाहा प्रवेश उजवाडो देहे."

भजन 119:130



सेवट



बायबला कहानी आमाहान अद्भुत परमेश्वरा  
बाबतींम आखेह जियाय आमाहान बनाव्या आंन  
तिया इच्छा हाय का आपु तियाल जांआजी (ओअखुजी).

परमेश्वराल मालूम हाय का आमाहांय खाराब कामे केअरेंह,  
जियाहान तोंअ पाप आखेह. पापा सजा मौत हाय, तेबी परमेश्वर  
आपुहुंवे ओतो प्रेम केहे का तियाय तिया एकूलतो पोयरो, इशूल  
कृसावे मोरा आन तुमाहां पापाहां सजा खातोर मोकल्यो. फाची  
इशू जीवतो वेअयो आन होरगाम तिया कोअ गियो!

जर आपु मानता वेअरी इं खेरो हाय, ता परमेश्वराल एहेकी आखा:  
प्रिय यीशू, मां विश्वास हायका तूं परमेश्वर हाय, आन मां पापाहा  
खातोर मरा खातोर एक आदमी बनी गियो, आन आमी फाचो जीवतो  
बनी गियो. कृपा किइन मांआ जीवनाम आव आन मांआ पापाहान  
माफ केंअ, का आंय आमी नवो जीवन मिलवू, आन एक दिही कायम  
तोअ आरी रिई सेकुं. मान तोअ आज्दन्या माना खातोर मदत  
केअ आन तोअ पोयरा होच तोअ खातोर जीवूं. आमेन.

बायबल वाचा आन रोज परमेश्वरा आरी गोठया केरा. योहान 3:16

